

S T E N O G R A M
7. HITNE SJEDNICE SKUPŠTINE KANTONA SARAJEVO
ODRŽANE U PETAK, 23.03.2020. GODINE
SA POČETKOM RADA U 10,00 SATI

Predsjedavajući Mirza Čelik (u daljnjem tekstu predsjedavajući):

Ja se izvinjavam kolegice iz Presa, vi ćete morati namjestiti tu kameru i samo da izađete, pa da krenemo sa radom pošto je 20 maksimalno. Molim? Zahvaljujem Deviću.

Otvaram 7. Hitnu sjednicu Skupštine Kantona Sarajevo. Himna Bosne i Hercegovine.

Samo jedan zastupnik mora izaći.

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice. Svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 18 zastupnika, što je dovoljan broj za punovažan rad i odlučivanje. Izostanak sa ove sjednice niko nije opravdao, svi zastupnici su u Kantonu Sarajevo, ali zbog mjera i naredbi Kriznog štaba u Sali je 20 sa kameranima.

U skladu sa članom 71. Poslovnika konačnu odluku o utvrđivanju hitnog karaktera sjednice Skupštine donosi Kolegij Skupštine. Kolegij Skupštine Kantona Sarajevo je na sjednici održanoj 10.04.2020.godine utvrdio da postoji osnov za sazivanje hitne sjednice Skupštine Kantona Sarajevo i utvrdio termin održavanja iste dana 10.04.2020 u 10,45.

Prelazimo na utvrđivanje dnevnog reda današnje sjednice. Prijedlog dnevnog reda današnje 7. Hitne sjednice glasi:

1. Prijedlog odluke o dopuni Poslovnika Skupštine Kantona Sarajevo.

Molim zastupnike da se izjasne o predloženom dnevnom redu. Ko je za? Protiv? Suzdržanih? Nije bilo.

Konstatujem da je sa 18 zastupnika da je Skupština za 7. Hitnu sjednicu Skupštine Kantona Sarajevo usvojila dnevni red kako je i predložen.

Prelazimo na realizaciju tačke jedan:

AD-1.

PRIJEDLOG ODLUKE O DOPUNI POSLOVNIKA SKUPŠTINE KANTONA SARAJEVO

Prijedlog odluke ste dobili uz poziv za sjednicu.

Kako je predlagač Kolegij ja ću vam obrazložiti razloge za donošenje ove odluke. Obzirom da smo imali i zaključak našeg Kolegija i Skupština je taj zaključak usvojila, međutim radi načina na koji bi trebalo dalje da radi Skupština Kantona Sarajevo online, mi smo u saradnji sa Ministarstvom pravde i uprave, donijeli izmjene Poslovnika, a sve u skladu sa svim zakonskim propisima, pa i poslovníkom, tako da danas ako usvojimo ovakav Prijedlog odluke.

Kolegice Bibo Kerla, ja vas lijepo molio da sačekate pošto nas je 20 u Sali imamo dovoljan broj zastupnika za odlučivanje.

Tako da evo nema potrebe za daljim napomenama, pa evo ako se slažete i da pročitam ovo. Uslijed globalne pandemije koja je zahvatila Bosnu i Hercegovinu Vlada Kantona Sarajevo je donijela Odluku o proglašenju stanja prirodne i druge nesreće zbog opasnosti od širenja zarazne bolesti uzrokovane COVID-19 na području Kantona Sarajevo. Kako bi Skupština Kantona Sarajevo mogla obavljati poslove iz svoje nadležnosti i zasjedati u novonastalim okolnostima, nužno je donijeti dopunu Poslovnika Skupštine Kantona Sarajevo.

Da li predstavnici radnih tijela žele riječ? Imamo li pitanja? Otvaram raspravu. Ukoliko se niko ne javlja za riječ, zaključujem raspravu.

Molim zastupnike da pristupe izjašnjenju o prijedlogu odluke o dopuni Poslovnika Skupštine Kantona Sarajevo.

Ko je za? Protiv? Suzdržanih nije bilo.

Konstatujem da je Skupština usvojila ovu Odluku.

Obzirom da smo iscrpili sve tačke dnevnog reda današnje sjednice zaključujem rad na 07. Hitnoj sjednici i zahvaljujem se zastupnicima.

Članove Kolegija molim da ostanu kako bi nastavili sa radom, nastavak smo zakazali u 11,00 Kolegija. Pa evo molim zastupnike koji su članovi Kolegija da ostanu. Zahvaljujem ostalim na prisustvu.